

II

(Gníomhartha neamhrechtacha)

RIALACHÁIN

RIALACHÁN (AE) 2021/1203 ÓN gCOMHAIRLE

an 19 Iúil 2021

lena leasaítear Rialachán (AE) 2020/1706 a mhéid a bhaineann le taraif-chuótaí uathrialaitheacha an Aontais a chuimsiú le haghaidh táirgí áirithe iascaigh

(Téacs atá ábhartha maidir le LEE)

TÁ COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh, agus go háirithe Airteagal 31 de,

Ag féachaint don togra ón gCoimisiún Eorpach,

De bharr an mhéid seo a leanas:

- (1) Le Rialachán (AE) 2020/1706 ón gComhairle ⁽¹⁾, osclaítear bainistiú tharaif-chuótaí uathrialaitheacha an Aontais le haghaidh táirgí iascaigh áirithe le linn na tréimhse 2021-2023 agus foráiltear maidir leis an mbainistiú sin. Cinneadh méideanna iomchuí le haghaidh gach taraif-chuóta chun a áirithiú go mbeidh soláthar leordhóthanach chuig tionscal an Aontais le haghaidh na tréimhse sin.
- (2) Faoi láthair, braitheann soláthairtí táirgí iascaigh áirithe san Aontas ar allmhairí ó thríú tíortha. Le deacáidí beaga anuas, d'éirigh an tAontas níos spleáiche ar allmhairí chun tomhaltas táirgí iascaigh ann a shásamh. I dtreo nach gcuirfeadh táirgeadh táirgí iascaigh an Aontais i gcontúirt agus chun soláthar leordhóthanach a áirithiú chuig tionscal próiseála an Aontais, ba cheart dleachtanna allmhairiúcháin a chur ar fionraí i gcás scuideanna Patagónacha, scadáin atá leasaithe faoi sháile, scadáin reoite, filléid reoite agus flapaí scadán, filléid phéirsí mara agus speicis éagsúla éisc reoite laistigh de tharaif-chuótaí ar mhéid iomchuí.
- (3) Tá feidhm shealadach ag an gComhaontú Trádála agus Comhair ⁽²⁾ idir an tAontas agus an Ríocht Aontaithe ón 1 Eanáir 2021. Leis an gComhaontú Trádála agus Comhair, foráiltear maidir le rochtain le haghaidh táirgí iascaigh tionscnaimh atá saor ó dhleacht agus saor ó chuóta. Na Tíortha agus na Críocha thar Lear de chuid na Breataine, áfach, níl siad comhlachaithe leis an Aontas a thuilleadh ná ní bhaineann a n-onnmhairí táirgí iascaigh chuig an Aontas leas as laghduithe taraife a thuilleadh.
- (4) Thairis sin, na prótacail bhreise leis an Íoslainn ⁽³⁾ agus an Iorua ⁽⁴⁾, ar prótacail iad lena bhforáiltear maidir le cuótaí le haghaidh táirgí áirithe éisc agus iascaigh, chuaigh siad in éag an 30 Aibreán 2021. Ós rud é nár tugadh an chaibidlíocht le haghaidh cuótaí nua i gcrích sula ndeachaigh na prótacail bhreise in éag, d'fhéadfadh sé go gcruthódh sé sin easpa táirgí iascaigh atá saor ó dhleacht lena bpróiseáil san Aontas.
- (5) Ba cheart, dá bhrí sin, Rialachán (AE) 2020/1706 a leasú dá réir.

⁽¹⁾ Rialachán (AE) 2020/1706 ón gComhairle an 13 Samhain 2020 lena n-osclaítear agus lena bhforáiltear do bhainistiú tharaif-chuótaí uathrialaitheacha an Aontais le haghaidh táirgí iascaigh áirithe le haghaidh na tréimhse 2021-2023 (IO L 385, 17.11.2020, lch. 3).

⁽²⁾ An Comhaontú Trádála agus Comhair idir an tAontas Eorpach agus an Comhphobal Eorpach do Fhuinneamh Adamhach, de pháirt, agus Ríocht Aontaithe na Breataine Móire agus Thuaisceart Éireann, den pháirt eile (IO L 149, 30.4.2021, lch. 10).

⁽³⁾ Prótacal Breise a ghabhann leis an gComhaontú idir Comhphobal Eacnamaíochta na hEorpa agus Poblacht na hÍoslainne (IO L 141, 28.5.2016, lch. 18).

⁽⁴⁾ Prótacal Breise a ghabhann leis an gComhaontú idir Comhphobal Eacnamaíochta na hEorpa agus Ríocht na hIorua (IO L 141, 28.5.2016, lch. 22).

- (6) D'fhonn iarmhairtí tharraingt siar na Ríochta Aontaithe as an Aontas a leigheas a mhéid a bhaineann le cailliúint stádas fabhrach na dTíortha agus na gCríoch thar Lear agus d'fhonn na hiarmhairtí a bhaineann le dul in éag na bprótacal breise leis an Iorua agus an Ioslainn a leigheas, ba cheart an Rialachán seo a theacht i bhfeidhm mar ábhar práinne agus ba cheart feidhm a bheith aige, le héifeacht cúlghabhálach, ón 1 Eanáir 2021,

TAR ÉIS AN RIALACHÁN SEO A GHLACADH:

Airteagal 1

Leasaítear Rialachán (AE) 2020/1706 mar a leanas:

- (1) cuirtear an méid seo a leanas in ionad Airteagal 4(4), pointe (b):

“(b) fáinní a ghearradh de agus stiallacha a ghearradh de le haghaidh ábhair faoi chóid AC 0307 43 35, 0307 43 91, 0307 43 92 agus 0307 43 99;”;

- (2) déantar an larscríbhinn a leasú i gcomhréir leis an larscríbhinn a ghabhann leis an Rialachán seo.

Airteagal 2

Tiocfaidh an Rialachán seo i bhfeidhm an lá tar éis lá a fhoilsithe in *Iris Oifigiúil an Aontais Eorpaigh*.

Beidh feidhm aige ón 1 Eanáir 2021.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil, 19 Iúil 2021.

Thar ceann na Comhairle
An tUachtarán
J. PODGORŠEK

IARSCRÍBHINN

Sa tábla san Iarscríbhinn a ghabhann le Rialachán (AE) 2020/1706, cuirtear isteach na hiontrálacha seo a leanas:

Uimh. an ordaithe	Cód AC	Cód TARIC	Tuairisc	Méid bliantúil an chuóta (tonnaí) ⁽¹⁾	Dleacht an chuóta	Tréimhse an chuóta
09.2508	ex 0307 43 35	10	Scuideanna den speiceas <i>Loligo gahi</i> , reoite, lena bpróiseáil	75 000	0 %	1.1.2021-31.12.2023
09.2509	ex 1604 12 91	13 93	Scadáin, spíosraithe agus/nó finéagarleasaithe, faoi sháile, lena bpróiseáil	15 000 (glanmheáchan silte)	0 %	1.5.2021-30.4.2022
	ex 1604 12 99	16 17		7 500 (glanmheáchan silte)	0 %	1.5.2022-31.10.2022
09.2510	ex 0303 51 00	10 20	Scadáin (<i>Clupea harengus</i> , <i>Clupea pallasii</i>), reoite, lena bpróiseáil (*)	10 000	0 %	1.5.2021-30.4.2022
				5 000		1.5.2022-31.10.2022
09.2512			Iasc reoite, lena bpróiseáil:	3 300	0 %	1.5.2021-30.4.2022
	0303 55 30	10	Bolmáin Shileacha (<i>Trachurus murphyi</i>)	1 650	0 %	1.5.2022-31.10.2022
	ex 0303 55 90	95	Iasc eile <i>Trachurus</i> spp., seachas <i>Trachurus trachurus</i> , <i>Trachurus murphyi</i> agus bolmáin (<i>Caranx trachurus</i>)			
	0303 56 00	10	Cóibia (<i>Rachycentron canadum</i>)			
	0303 69 90	10	Iasc eile			
	0303 89 90	11 21 30 91				
	0303 82 00	10	Roic agus sciataí (<i>Rajidae</i>)			
	0303 89 55	10	Garbhánaigh órcheannacha (<i>Sparus aurata</i>)			
09.2513	0304 86 00	20	Filléid scadán (<i>Clupea harengus</i> , <i>Clupea pallasii</i>), reoite, lena bpróiseáil	25 000	0 %	1.5.2021-30.4.2022
	ex 0304 99 23	10 20	Flapaí scadán (<i>Clupea harengus</i> , <i>Clupea pallasii</i>), reoite, lena bpróiseáil (*)	12 500	0 %	1.5.2022-31.10.2022
09.2514	0304 49 50	10	Filléid péirsí mara (<i>Sebastes</i> spp.), úr nó fuaraithe, lena bpróiseáil	1 300	0 %	1.5.2021-30.4.2022
				650	0 %	1.5.2022-31.10.2022"

⁽¹⁾ Arna sloinneadh i nglanmheáchan, mura sonraítear a mhalairt

^(*) Ón 15 Feabhra go dtí an 15 Meitheamh, ní dheonófar tairbhe an taraif-chuóta d'earraí a dhearbhaítear lena scaoileadh i saorchúrsaíocht.